



Coimisiún
na Meán

Treoir d'Aighneachtaí: Ráiteas Intinne le haghaidh Conradh Craolacháin Fuaime chun Seirbhís Urlabhra agus Nuachta Gar-Náisiúnta a sholáthar

Dáta foilsithe:
5 Márta 2026

Spriocdháta le haghaidh freagartha:
2 Aibreán 2026



Clár Ábhar

Réamhrá	3
Nósanna Imeachta chun Ráiteas Intinne a chur isteach	4



Réamhrá

- 1.1 Tá an Conradh craolacháin fuaimhe chun seirbhís craolacháin fuaimhe urlabhra agus nuachta ghar-náisiúnta a sholáthar ar an mbanda FM ("an Conradh"), arna choimeád ag Bauer Audio Ireland Limited faoi láthair, ag craoladh mar *Newstalk*, le dul in éag ar an 31 Nollaig 2026.
- 1.2 De réir Alt 65(6) den Acht Craolacháin 2009 ("Acht 2009"), chuir Coimisiún na Meán ("an Coimisiún") fógra i nuachtán náisiúnta¹ agus ar a láithreán gréasáin, an 10 Nollaig 2025, ag lorg léirithe spéise don Chonradh. Faoin dáta deiridh an 9 Feabhra 2026, ba é an t-aon léiriú spéise a fuarthas ná ó shealbhóir reatha an chonartha craolacháin fuaimhe, Bauer Media Audio Ireland ("an sealbhóir").
- 1.3 In imthosca inar tháinig an t-aon léiriú spéise a fuarthas don fhógra poiblí ón sealbhóir agus go raibh an Coimisiún den tuairim go ndearnadh é de mheon macánta, tá sé beartaithe ag an gCoimisiún an nós imeachta mear faoi Alt 67(2) d'Acht 2009 a agairt chun an Conradh a dhámhachtain.
- 1.4 Dá réir sin, agus de bhun alt 67(3) d'Acht 2009, chuir an Coimisiún fógra poiblí i nuachtán náisiúnta² agus ar a shuíomh gréasáin an 5 Márta 2026, inar luadh go raibh sé ar intinn aige an próiseas iarratais mear a agairt chun an Conradh a dhámhachtain.
- 1.5 Ní mór do fhreagróirí féideartha aighneacht a dhéanamh faoi **12 meán lae ar 2 Aibreán 2026**, ina luafar gur mian leo iarratas a dhéanamh ar dhámhachtain an Chonartha ("Ráiteas Intinne").
- 1.6 Ní mór éarlais **€25,000** a bheith ag gabháil leis an Ráiteas Intinne, ar éarlais í atá inaisíoctha má chuirtear iarratas faoi bhráid an Choimisiúin ina dhiaidh sin de bhun cuireadh chun iarratas a dhéanamh ar an gConradh arna eisiúint faoi Alt 65(8) d'Acht 2009.
- 1.7 Ní mór an Ráiteas Intinne a thíolacadh san fhormáid a shonraítear in gCuid 2 den doiciméad seo.
- 1.8 Má fhaigheann an Coimisiún Ráiteas Intinne agus an éarlais riachtanach, rachaidh an Coimisiún ar aghaidh chun iarratais a lorg chun an Conradh a dhámhachtain. Má eisítear cuireadh chun iarratas a dhéanamh ar dhámhachtain an chonartha, beidh téarma an Chonartha, má dheonaítear í, ar feadh tréimhse deich (10) mbliana.
- 1.9 Tá treoir tháscach maidir le hiarratas ar chonradh craoltóireachta fuaimhe faoi Alt 65(8) d'Acht 2009 ar fáil ar shuíomh gréasáin an Choimisiúin nó arna iarraidh sin ó licensing@cnam.ie
- 1.10 Féadfar Ráitis Intinne a fhoilsiú ar shuíomh gréasáin an Choimisiúin a luaithe a bheidh siad breithnithe agus nuair a chinneann an Coimisiún an chéad chéim eile sa phróiseas.

¹ Foilsíodh é san *Irish Independent* an 10 & 11 Nollaig 2025

² The Irish Times



Nósanna Imeachta chun Ráiteas Intinne a chur isteach

- 2.1 Tá foirm Ráitis Intinne ar fáil d'fhreagróirí féideartha ó shuíomh gréasáin an Choimisiúin, www.cnam.ie nó ar iarratas ó licensing@cnam.ie nó (01) 6441200. Má roghnaíonn tú gan an fhoirm a úsáid, cinntigh le do thoil go gcloíonn d'aighneacht leis an bhformáid atá leagtha amach thíos agus go n-áirítear inti an fhaisnéis go léir a iarrtar.

Trí do Ráiteas Intinne a chur isteach, tá an méid seo a leanas á dheimhniú don Choimisiún agat: -

- gur léigh tú agus gur thuig tú an *Treoir d'Aighneachtaí: Ráiteas Intinne le haghaidh Conradh Craolacháin Fuaime chun Seirbhís Urlabhra agus Nuachta Ghar-Náisiúnta a sholáthar*;
- gur íocadh éarlais €25,000 isteach i gcuntas bainc an Choimisiúin; agus,
- go dtoilíonn tú le do Ráiteas Intinne á chur ar fáil don phobal.

- 2.2. Is é seo a leanas an fhoirm le haghaidh Ráiteas Intinne:

2.2.1 Freagróir:

- (a) Tabhair cur síos ginearálta ar an duine/an t-eintiteas atá ag déanamh an ráitis.
- (b) Tabhair do shonraí teagmhála: ainm, seoladh, uimhir theileafóin agus ríomhphost an duine teagmhála.

2.2.2 Dearbhú ar an gConradh lena mbaineann an Ráiteas Intinne:

- (a) Sainaithin an limistéar saincheadúnais ábhartha mar **Ghar-Náisiúnta**.
- (b) Sainaithin an cineál seirbhíse craolacháin fuaime mar **sheirbhís Urlabhra agus Nuachta**.

2.2.3 Sonraí an Ráitis Intinne:

Is mar seo a leanas a bheidh téacs an Ráitis Intinne: -

Dearbhaímse leis sin, [cuir isteach ainm], thar ceann [cuir isteach ainm an eintitis atá ag cur an ráitis intinne isteach], go bhfuil sé i gceist ag [cuir isteach ainm an eintitis atá ag cur an ráitis intinne isteach] iarratas a dhéanamh ar chonradh craolacháin fuaime chun seirbhís craolacháin fuaime urlabhra agus nuachta ghar-náisiúnta a sholáthar ar an mbanda FM.

Dearbhaímse freisin gur íocadh éarlais €25,000 isteach i gcuntas bainc an Choimisiúin.

2.2.3 Ní mór duit an Ráiteas Intinne a shíniú agus dáta a chur leis.

- 2.3 Ní mór don Choimisiún an Ráiteas Intinne sínithe agus dátaithe a fháil tráth nach déanaí ná **12 meán lae ar 2 Aibreán 2026**, agus is féidir é a chur isteach trí ríomhphost chuig licensing@cnam.ie nó tríd an bpost, nó trí sheachadadh de láimh, chuig:



Ceadúnú Craolacháin,
Coimisiún na Meán,
1 Foirgnimh Shíol Bhroin,
Bóthar Shíol Bhroin,
Baile Átha Cliath 4, D04 NP20.

2.4 Íocaíocht na hÉarlaise Airgid:

2.4.1 Ní mór an éarlais airgid **€25,000** a íoc i gcuntas bainc an Choimisiúin faoin dáta deiridh, **2 Aibreán 2026**.

2.4.2 Is iad seo a leanas sonraí an chuntais bainc chun an éarlais airgid a íoc:

Institiúid airgeadais: Bainc-Aontas Éireann, seoladh an Bhrainse, 1 – 4 Sráid Bhagóid
Íochtarach, Baile Átha Cliath 2
Ainm an chuntais: Coimisiún na Meán
IBAN: IE43AIBK93101268283086
Cód BIC: AIBKIE2D
Cód Sórtála: 93-10-12
Uimhir an chuntais: 68283086

2.4.3 Ní mór faisnéis a bheith sna sonraí íocaíochta lena sainaitnítear an freagróir, mar shampla ainm an fhreagróra. Dá réir sin, ní mór don fhreagróir a chinntiú go soláthraíonn a mbanc faisnéis a ghabhann leis an aistriú leictreonach lena sainaitnítear go soiléir go ndearnadh an íocaíocht thar ceann an fhreagróra.

